

Bezetting of Invasion

Tabata diabierna tres'or y mei di marduga ora cu un batayón di soldatnan Aleman a drenta Hulanda. Esaki a pasa 61 aña pasá y 10 di mei 1940 ta conoci como "De Bezetting" o sea "E Invasion". Alemania a invadi Hulanda sin cu nan a declará guerra na otro.


E ehército hulandes tabata tin un plan di proteccion. Nan a traha un forti grandi, "vesting Holland" cu tabata rondoná di awa. E forti aki tabata consisti di e provincianan Zuid- y Noord Holland y e parti west di Utrecht. Pafo di e forti grandi aki nan a stacioná cantidad di soldat. Nan mester a percurá pa e enemigo no drenta e forti. Na cierto puntonan cu por a drenta tabata tin mas bringamento. Toch e Alemannan a logra tuma posesion di e conocido Moerdijkbrug. Esaki paso nan a baha cu parachute.

Cada dia nan tabata jega mas leu te cu Hulanda a capitulá (zich overgeven). Nan a bomabrdeá Rotterdam, lag'é plat.

Den e 5 dianan tristo ey - "de meidagen

van 1940" - Hulanda a perde como 2500 militar y mas o menos 2500 ciudadano a fayece.

Tur aña dia 4 di mei nan ta recordá esnan cu a perde nan bida den Segunda Guerra Mundial. Na Hulanda (y antes na Aruba tambe) nan tabata hisa bandera halfstok, y exactamente 8'or nan ta tene 2 minuut di silencio pa recordá e miyones di hendenan cu a muri den e lucha pa libertad, den prisonnan, den camponan di concentracion of djies pasobra nan ta Hudiú.




Esaki ta e monumento na Aruba cu ta dedicá na esnan cu a perde nan bida den Segunda Guerra Mundial

Bo yiu merece e miho.....

Cada **little tikes** cu nos bende, na **Mareve**, nos ta duna bo **100% di garantia**. Si algo kibra of dañá nos lo remplase completamente **GRATIS***!



Toys



Fergusonstraat 42-A
Tel. 825393

* mester ta compra na Mareve Toys & Gifts

Chabalito

Number 8 - Año III - April, 2001 - Afl. 2,=



Bo kier sa kiko ta De Bezetting? • Gana Premio! • Conoce e historia di Postkantoor!